

UNIVERZITET U SARAJEVU – Fakultet političkih nauka, sa zvaničnim sjedištem u Sarajevu, adresa sjedišta Skenderija broj 72, koji zastupa dekan prof. dr. Sead Turčalo (u daljem tekstu: "Fakultet")

i
Javna ustanova "Memorijalni centar Sarajevo", sa zvaničnim sjedištem u Sarajevu, adresa sjedišta Širokac broj 22, JIB: 4203285330001, koju zastupa direktor doc. dr. Ahmed Kulanić (u daljem tekstu: "Memorijalni centar Sarajevo")

zajednički "potpisnici Memoranduma"

dana 03.12. 2025. godine u Sarajevu, zaključili su:

MEMORANDUM O NAUČNOJ, OBRAZOVNOJ I STRUČNOJ SARADNJI

U savremenom obrazovnom i naučno-istraživačkom okruženju, saradnja između obrazovne institucije UNIVERZITETA U SARAJEVU – Fakulteta političkih nauka i Memorijalnog centra Sarajevo, sa njegovim nadležnostima, u oblasti kulture sjećanja, predstavlja značajan doprinos razvoju znanja, inovacija i praktičnih kompetencija.

Memorijalni centar Sarajevo njeguje kulturu sjećanja, kako na period Odbrambeno-oslobodilačkog rata 1992.–1995., tako i na period Narodno-oslobodilačkog rata 1941.–1945., kroz organizaciju manifestacija, izgradnju i održavanje spomenika, muzejsku i kulturnu djelatnost, kao i naučno-istraživački rad i edukaciju.

Potpisnici Memoranduma su prepoznali potrebu za uspostavljanjem čvrstog okvira saradnje koji omogućava razmjenu znanja, podsticanje naučno-istraživačkog rada, unapređenje obrazovanja i razvoj stručnih vještina. Saradnja obuhvata različite oblasti, uključujući pružanje mogućnosti studentima za obavljanje prakse i usavršavanje, aktivno učešće u zajedničkim projektima od zajedničkog interesa, te promociju rezultata naučno-istraživačkog rada kroz publikacije i druga izdanja i njihovu primjenu u praksi.

Cilj ove saradnje je unapređenje akademskog i stručnog nivoa studenata i zaposlenika, jačanje kapaciteta institucija kroz zajedničke inicijative i inovativne pristupe, te stvaranje trajnog partnerstva koje omogućava efikasnu razmjenu znanja, iskustava i resursa u ostvarivanju zajedničkih obrazovnih, naučnih i profesionalnih ciljeva.

Kroz ovu saradnju, Fakultet i Memorijalni centar Sarajevo potvrđuju svoju posvećenost kontinuiranom unapređenju institucionalnih kapaciteta i doprinosa društvenoj zajednici, kako slijedi:

I PREDMET MEMORANDUMA

Član 1.

- (1) Predmet ovog Memoranduma je uspostavljanje okvira saradnje Fakulteta i Memorijalnog centra Sarajevo sa ciljem unapređenja kvalitete obrazovanja, stručnog usavršavanja i naučno-istraživačkog rada, kroz razmjenu znanja, mentorstvo, učešće u projektima od

- zajedničkog interesa, obavljanje prakse i kulturne inicijative, uz jačanje institucionalnih kapaciteta.
- (2) Konkretni aktivnosti, prava i obaveze potpisnika Memoranduma bit će dodatno regulisane posebnim ugovorima i projektima, u skladu sa važećim zakonodavstvom.

II NAČIN OSTVARIVANJA SARADNJE

Član 2.

Potpisnici Memoranduma u pogledu naučne, obrazovne i stručne saradnje će ostvariti saradnju kroz različite oblike, uključujući, ali ne ograničavajući se na:

- a) organizaciju i realizaciju prakse za studente Fakulteta sa pružanjem praktičnog iskustva i neposrednog uvida u profesionalni rad kroz mentorstvo zaposlenika Memorijalnog centra Sarajevo, u skladu sa studijskim programima i oblastima rada Memorijalnog centra Sarajevo;
- b) angažman akademskog i stručnog kadra u svojstvu predavača, mentora i panelista pri realizaciji obrazovnih, naučno-istraživačkih i stručnih događaja u organizaciji potpisnika Memoranduma;
- c) izradu zajedničkih istraživačkih, projektnih prijedloga i strategija te njihovu implementaciju, uz definisanje ciljeva, metodologije i očekivanih rezultata, sa ciljem unapređenja naučno-istraživačkog potencijala i širenja praktičnih kompetencija;
- d) zajedničko apliciranje na domaće i međunarodne fondove, grantove i druge oblike finansiranja projekata, radi obezbjeđanja podrške i realizacije zajedničkih inicijativa i istraživačkih aktivnosti;
- e) razmjenu akademskog i stručnog kadra radi unapređenja edukativnih programa i prakse;
- f) razmjenu znanja, iskustava i resursa kroz kontinuiranu razmjenu akademskog i praktičnog znanja, uključujući pristup dokumentaciji, arhivama, edukativnim materijalima i tehničkim sredstvima;
- g) učešće na seminarima, konferencijama, simpozijima, radionicama, kulturnim, edukativnim i naučno-istraživačkim aktivnostima, uključujući kulturne manifestacije, muzejske programe, edukativne radionice i druge aktivnosti koje organizuju potpisnici Memoranduma;
- h) promocija rezultata zajedničkih naučno-istraživačkih projekata kroz publikacije, prezentacije, izložbe i praktičnu primjenu, čime se osigurava njihov doprinos akademskoj i stručnoj zajednici;
- i) zajednička izrada stručnih i naučnih materijala, uključujući časopise, udžbenike i drugu relevantnu literaturu, u skladu sa oblastima rada i djelatnostima potpisnika Memoranduma;
- j) jačanje institucionalnih kapaciteta i stručnog potencijala studenata i zaposlenika, uz unapređenje dugoročnog partnerstva usmjerenog na inovativne i održive obrazovne, naučne i kulturne inicijative;
- k) sve druge oblike saradnje koji doprinose ostvarivanju zajedničkih interesa potpisnika Memoranduma.

III ORGANIZACIJA I REALIZACIJA PRAKSE STUDENATA

Član 3.

- (1) Memorijalni centar Sarajevo će, u okviru svojih nadležnosti i dostupnih resursa, u saradnji sa Univerzitetom u Sarajevu – Fakultetom političkih nauka, omogućiti studentima realizaciju prakse sa **svih studijskih programa**.
- (2) Praksa će se realizovati pod mentorstvom zaposlenika Memorijalnog centra Sarajevo, koji će pružati stručnu podršku studentima u zavisnosti od oblasti rada i studijskog programa studenata.
- (3) Mentor će biti odgovoran za:
 - a) definisanje konkretnih zadataka i aktivnosti u skladu sa studijskim programom studenata;
 - b) praćenje rada i napretka studenata, uključujući davanje povratnih informacija i evaluaciju obavljenih zadataka;
 - c) osiguranje da studenti poštuju interne procedure, sigurnosne protokole i etičke standarde Memorijalnog centra Sarajevo;
 - d) pružanje stručne i organizacione podrške u okviru resursa i nadležnosti Memorijalnog centra Sarajevo.
- (4) Sve detaljne odredbe u vezi sa organizacijom, pravima i obavezama Fakulteta/studenata, trajanjem prakse, mentorstva, odgovornostima, oblastima rada, eventualnim troškovima i druga pitanja, bit će definisane posebnim ugovorom između Fakulteta i Memorijalnog centra Sarajevo.

IV IMPLEMENTACIJA I KOORDINACIJA

Član 4.

- (1) Saradnja između potpisnika Memoranduma zasnivaće se na jasnim principima partnerstva, uzajamnog povjerenja, transparentnosti u radu, odgovornosti i **kontinuiranog** međusobnog informisanja, kako bi se osigurala efikasna i dugoročna saradnja.
- (2) Potpisnici Memoranduma imenovaće jednu ili više osoba zaduženih za koordinaciju implementacije ovog Memoranduma, sa ciljem olakšavanja komunikacije, praćenja zajedničkih aktivnosti i osiguranja pravovremenog i kvalitetnog razmjenjivanja informacija.
- (3) Kontakt osobe potpisnika Memoranduma održavaće redovne sastanke najmanje jednom u kvartalu, radi praćenja napretka u realizaciji aktivnosti definisanih ovim Memorandumom, razmjene iskustava, identifikacije eventualnih izazova i izrade zajedničkih izvještaja o postignutim rezultatima.
- (4) Potpisnici Memoranduma se obavezuju da **neće poduzimati aktivnosti koje proizlaze iz** ovog Memoranduma bez prethodnih pisanih konsultacija i dogovora sa drugom stranom, a radi koordiniranog i sinhronizovanog pristupa realizaciji zajedničkih projekata i inicijativa.
- (5) Implementaciju odredbi ovog Memoranduma vršit će svaki potpisnik u okviru svojih nadležnosti, resursa i kapaciteta, sa ciljem postizanja **zajedničkih ciljeva, unaprijeđenja** obrazovnih, naučnih i kulturnih aktivnosti, te osiguranja maksimalnog doprinosa društvenoj zajednici.

V FINANSIJSKA ODGOVORNOST

Član 5.

- (1) Potpisnici Memoranduma potvrđuju da Memorandum ne stvara niti podrazumijeva bilo kakve finansijske obaveze između potpisnika, te da nijedna strana neće biti obavezna snositi troškove bez prethodnog, izričitog pisanog dogovora.
- (2) U slučaju da realizacija zajedničkih projekata ili aktivnosti proisteklih iz ovog Memoranduma zahtijeva finansijska sredstava, potpisnici Memoranduma će se prethodno konsultovati i dogovoriti pisanim putem (sporazumom) o načinu raspodjele obaveza.
- (3) Svaka takva odluka donosi se u dobroj vjeri i uz primjenu principa odgovornog upravljanja javnim finansijama.

VI TRAJANJE I PRESTANAK

Član 6.

- (1) Ovaj Memorandum se zaključuje na neodređeno vrijeme i može se raskinuti pisanom obavijesti jedne strane drugoj uz prethodni rok od najmanje trideset (30) dana, pri čemu će se u roku od najmanje dvije godine izvršiti evaluacija saradnje uz mogućnost razmatranja izmjena i dopuna ovog Memoranduma.
- (2) Potpisnici Memoranduma imaju pravo predložiti izmjene i dopune, radi razmatranja i pismenog odobrenja prije stavljanja u primjenu.
- (3) U slučaju predloženih izmjena ili raskida Memoranduma, potpisnici su dužni konsultovati se pisanim putem i zajednički utvrditi sve potrebne korake za dalju implementaciju ili završetak aktivnosti.
- (4) Raskid Memoranduma neće biti moguć ukoliko bi mogao ugroziti realizaciju aktivnosti koje su prethodno započete ili imaju definisane rokove završetka.
- (5) U takvim slučajevima, prava, obaveze i rokovi bit će precizno utvrđeni i potvrđeni pisanim putem između potpisnika Memoranduma.

VII POVJERLJIVOST INFORMACIJA

Član 7.

- (1) Potpisnici Memoranduma se obavezuju da će sve informacije, podatke i materijale dobivene u okviru saradnje tretirati kao povjerljive i čuvati njihovu tajnost, osim u slučajevima kada je drugačije izričito dogovoreno ili kada je njihovo otkrivanje obavezno prema važećim zakonskim propisima.
- (2) Dokumenti, informacije i podaci dobiveni u okviru saradnje, uključujući lične podatke studenata u vezi sa stručnom praksom, ne smiju se koristiti ni prosljeđivati trećim licima niti upotrebljavati u svrhe koje nisu izričito predviđene ovim Memorandumom, osim uz prethodni pisani pristanak strane koja je dostavila podatke.
- (3) U slučaju obrade ličnih podataka potpisnici Memoranduma su dužni poštovati Zakon o zaštiti ličnih podataka i primjenjivati sve potrebne tehničke i organizacione mjere radi osiguranja zaštite privatnosti uključenih lica čiji se podaci obrađuju.

VIII ZAVRŠNE ODREDBE


Član 8.

- (1) Ovaj Memorandum stupa na snagu u trenutku obostranog potpisivanja Memoranduma.
- (2) Potpisnici Memoranduma potvrđuju da su pročitali, razumjeli i prihvatili sve odredbe ovog Memoranduma.
- (3) Eventualne sporove koji mogu proizaći iz ovog Memoranduma potpisnici će rješavati sporazumno, kroz dijalog i pregovore.
- (4) Ako sporazum nije moguće postići, spor će biti riješen pred nadležnim sudom u Sarajevu.

- (5) Memorandum je sklopljen u četiri (4) istovjetna primjerka, svaki sa snagom originala, po dva (2) primjerka za svakog potpisnika Memoranduma.
- (6) Memorandum se tumači i primjenjuje u skladu sa zakonodavstvom Bosne i Hercegovine.



Broj: CA-B-2160-1/25
Sarajevo, CA. 12. 2025. godine



Memorijalni centar Sarajevo

doc. dr. Ahmed Kulanić, direktor

Broj: 13-23-1344825
Sarajevo, 12. 2025. godine